



UNIVERSITÄTS-
BIBLIOTHEK
PADERBORN

**De Ortv Et Progressv Ac Viris Illvstribvs Ordinis
Gloriosissimæ Dei Genitricis, semper Virginis Mariæ de
monte Carmelo**

Trithemius, Johannes

Coloniae Agrippinae, 1643

Cap. III. De conuersatione Filiorum Prophetarum, aliorumq[ue] Eremitarum
ante natiuitatem Christi in monte Carmelo.

[urn:nbn:de:hbz:466:1-64495](https://nbn-resolving.org/urn:nbn:de:hbz:466:1-64495)

De Conuersatione Filiorum Prophetarum, aliorumque
Eremitarum ante Natiuitatem Christi
in monte Carmelo.

Legimus in Historijs veterum, primum *Samuelem* conuentum instituisse Prophetarum, quem & *Cuneum* appellabant. Deinde translato *ELIA* per aëra eius duplex in *Elisæo* spiritus quieuit; qui & ipse cum *Filijs Prophetarum* montem *Carmelum* temporibus certis incoluit, & viuere ad normam *ELIÆ* summopere curauit. Ex his quidem multi suis nominibus per Patres recensentur, de quibus nostrum iudicium non inconsultè suspendimus, eorundem testimonio contenti. Hinc de *Monachorum* institutione dicit *Hieronimus*: *Noster Princeps Elias est, Dux noster Elisæus, & filij Prophetarum, qui in agris & solitudine habitantes, habitacula sibi construebant iuxta fluentia Iordanis.* Erant isti viri multarum virtutum, charitate maximi, deuotione & integritate summi, qui in contemplatione Dei suspensi, mundum cum voluptatibus suis contempserunt. De quibus veraciter dicit *Apostolus*: *Circuierunt in melotis, & in pellibus caprinis, e-gentes, angustiati, afflicti; quibus dignus non erat mundus. In solitudinibus errantes, in montibus, in speluncis, & in cauernis terra, qui per fidem regna vicerunt: operati sunt iustitiam, adepti sunt repromissiones.* Isti sunt viri fortes atque prudentes, qui *Monasticæ Conuersationis* fundamenta iecerunt, qui post *ELIAM* montem *Carmelum* inhabitantes se *Habitu & Conuersatione* Deo dignos exhibuerunt. Ab his *Ordo Carmelitarum* initium sumpsit & vocabulum. Ipsi enim *Ordinis Carmelitici* conuersationem legis tempore seruauerunt, à quibus nostri *Carmelitæ* sub gratia & Nomen acceperunt & *Ordinem*. Nihil in his omnibus nisi tempus discrepat: merito vnus *Ordo Carmelitarum & Eremitarum* sub lege & gra-

1. Reg. 16.

4. Reg. 2.

Hier. ep. 13

ad Paulin.

Hebr. 11.

Primi fun-
datores mo-
nastica vi-
tæ.

tia dicitur, qui vnus Dei fide & cultu coniungitur. Neque autem cæteris Ordinibus titulus *Elianus* conuenit; cui etsi conuersatio vitæ congruat, tamen nomen loci non concordat. Antiquissimus ergo omnium Ordinum in Ecclesia Dei Carmeliticus est, à quo cæteri Ordines principium & formam suæ institutionis acceperunt. Enimvero, quantum attinet ad auctoritatem veterum Scripturarum, *Mosis* instituti propositi princeps fuit *Elias* & discipuli eius: qui relictis urbibus sibi casulas circa Iordanis fluentia formã ac in deserto construxerunt. Huius sub gratia propositi primus *Baptista Ioannes* extitit, qui à teneris annis solitudinem deserti inhabitauit. Nec putes sanctos Prophetas Domini, boni solitudinis ignorasse magnitudinem, cum non fuerit minimus eorum, qui dixit: *Bonum est homini, cum portauerit iugum huius Domini ab adolescentia sua: sedebit solitarius, & tacebit; quia leuabit se supra se.* Sciebant viri sanctissimi diuino Spiritu illustrati solitariæ vitæ utilitatem: & ideo ante legislationem operibus impenderunt, quod demum sub regula constituti Carmelitæ pro posse imitantur. Et quamuis *ELIAS* Carmelitis regulam scriptam non dederit, eis tamen exemplo sanctæ conuersationis viuendi norma fuit, quibus post se & locum & habitum concessit.

Antiquis-

sim^o oꝝum

Ordo Car.

Ab illo ca-

teri sua in-

stitutionis

ceperunt.

S. Isido. l. 2

de offi. c. 15

S. Ioã. Bap

sub gratia

Ord.

princeps.

Thren. 3.

CAPVT IV.

Quando & quemadmodum data sit Regula Fratribus in monte Carmelo degentibus.

Sancti etenim Patres, qui in monte Carmelo iuxta fontem *ELIÆ* ante Christi natiuitatem habitabant, Regulam conscriptam habuisse non leguntur; sed ipsi norma & regula sibi fuerant, qui exemplo *ELIÆ* concorditer viuebant. Deinde post Passionem Domini multiplicata per Iudæam fide Christiana, hi qui in monte Carmelo vitam imitatione *ELIÆ* ducebant Eremiticam,

Nota sin-

gularẽ ar-

tiquorum

Carmeli-

tarũ prae-

gatiuam,

B

secun-